

中国神秘文化通鉴

「清」袁树珊

谱

中州古籍出版社

B992.3
Y88a

命 谱

[清]袁树珊 编著
贺民强 赵瀛洲 点校



A0576079

中州古籍出版社

第一卷

至圣先师孔子

周、姓孔氏、名丘、字仲尼、鲁之陬人。父叔梁纥。娶鲁之施氏，生九女、无子。其妾生孟皮，有足疾，乃求婚于颜氏，颜氏有三女，季曰征在，妻之，祷于尼丘得孔子，生而首上圩顶，故名曰丘、字仲尼。三岁父丧，及长，虽贫贱而恭慎逾常，景王己巳（年二十）。始为委吏，继为乘田，敬王庚子（年五十一）。为中都宰，进为司空司寇。丙午（年五十七）至乙卯（年六十六）。忽而主卫适晋，忽而之宋反鲁，忽而遇桓魋之难。忽而困陈蔡之间。至敬王四十一年壬戌，夏四月己丑卒。寿享七十有三，要之，孔子为儒家之祖，初仕于鲁，摄行相事，其后不用，遂周流四方。归鲁，删诗书、定礼乐、赞周易、修春秋，以传先王之道。弟子三千人，身通六艺者，七十有二。唐开元二十七年己卯，追谥文宣王。赠弟子各公侯伯，宋大中祥符元年戊申，加谥至圣文宣王。元大德十年丙午，加号大成至圣文宣王。明嘉靖九年庚寅，改称至圣先师。从祀诸贤，故所封爵皆罢去。清顺治二年乙酉，定文庙，谥号为大成至圣文宣先师孔子。十四年

丁酉，改称至圣先师孔子。

(周灵王二十一年，鲁襄公二十二年)即庚戌之岁(孔广牧生卒考云，周正冬十月庚子)即夏历八月二十八日(薛方山四书人物考云)甲申时生

(周敬王四十一年，鲁哀公十六年)即壬戌(周正四月十一日己丑)即夏历二月十一日(生卒考云或谓)午时卒

庚戌	命	六	丙戌
		十六	丁亥
乙酉	宫	二六	戊子
		三六	己丑
庚子	戊	四六	庚寅
		五六	辛卯
甲申	子	六六	壬辰
		七六	癸巳

春秋繁露云，凡物必有合，合必有上、必有下、必有左、必有右、必有前、必有后、必有表、必有里。有美必有恶，有顺必有逆。此数语，固为修己治人之要道，而尤为谈命学者，所当详究也。谨按至圣先师之造，日主之庚为阳，在正五行本属金，月干之乙为阴，在正五行本属木，今庚乙并列，相近相亲，左右联合，水乳交融，不独庚字变为化气五行之阳金。即乙字亦变为化气五行之阴金矣。年干值庚，在正五行本属金，时干值甲，在正五行本属木，此其表

也，庚能引乙，又变为化气之金，甲能引己，又变为化气之土。此其里也。时支申。月支酉，年支戌，会合一气，联为西方金局。虽曰地支居下，实与天干在上之庚乙化金，同气相求，同声相应，格局纯真，毫无疑义（此名西方一气候，又名庚乙化金格）。虽日支之子居前，暗中藏癸，命宫戊子居后，暗中化火，亦不妨事，盖诞生之际。节过白露，化金得令，化火无权，小人道消，君子道长，有美无恶，有顺无逆。此诚明齐日月，量合乾坤之造也。惜运途蹇滞，全经坎坷，当三岁之际，岁逢壬子，竟遭圣父叔梁公之丧，二十四岁，岁逢癸酉，圣母颜氏，又复弃养。此无他，乃子癸引戊，化火肆虐也。十九岁，迎娶夫人祁官氏（祁官一作上官祁读若葵）二十岁生子伯鱼。及初仕为委吏，继为乘田。此无他，乃丁火运引壬，化木见功也。至于五十一岁为中都宰，五十二三岁为司空，进位司寇，摄行相事，与闻国政，三月鲁国大治。此皆庚寅二运，同为化金喜神，有以致之也。及至五十七至六十六岁。忽而主卫适晋，忽而之宋反鲁，忽而遇桓畏之难，忽而困陈蔡之间。此皆辛卯二运。同为化金之忌神。有以致之也。及至六十七岁，夫人祁官氏卒。六十九岁，子伯鱼卒，更觉岁逢丙辰，与生年庚戌抵触。岁逢戊午，与生日庚子抵触。有以致之也。七十三岁大运逢辰，既落空亡，又与太岁壬戌，互相冲击，是以寝疾七日而终。鲁哀公谏之曰，天不遗耆老，莫相予位焉。呜呼！哀哉尼父

(按此据孔子编年，与史记稍异)。降及前清，圣祖仁皇帝，犹御制赞言。其序有云，粤稽往绪，仰溯前征。尧舜禹汤文武，达而在上，兼君师之寄，行道之圣人也。孔子不得位，穷而在下，秉删述之权。明道之圣人也。行道者动业炳于一朝，明道者教思周于百世。尧舜文武之后。不有孔子，则学术纷淆，仁义淹塞，斯道之失传也久矣。后之人而欲探二帝三王之心法，以为治国平天下之准。其奚所取衷焉。然则孔子之为万古一人也番矣。观于此，孔子之寿，值亿万斯年也。岂寻常之寝疾而终者哉。

附录

圣父叔梁公，葬于防山，圣母颜氏，合葬于此。在兖州曲阜县东二十五里(年谱辑注)。

委吏，孔子尝为委吏矣。曰，会计当而已矣(孟子)。

乘田，孔子尝为乘田矣。曰，牛羊茁壮(长而)已矣(孟子)。

孔子初仕为中都宰，制为养生送死之节。长幼异食，强弱异任，男女别涂，路无拾遗，器不雕伪，四寸之棺，五寸之槨。因邱陵为坟，行之一年，而四方之诸侯则焉(家语相鲁解)。

鲁司寇，掌盗贼刑罚之职。向为臧氏官。权亚三卿。故孔子为之三月大治，若使早任，则鲁早治矣(编年)。

景公问政，孔子曰，君君臣臣，父父子子。景公曰，善

哉！信如君不君，臣不臣，父不父，子不子，虽有粟，吾岂得而食诸。他日又复问，孔子曰，政在节财。景公说，叶公问政，孔子曰政在来远附迩。他日叶公问孔子于子路，子路不对，孔子闻之曰，同尔何不对曰，其为人也，学道不倦，诲人不厌，发愤忘食，乐以忘忧，不知老之将至云尔。

孔子晚而喜易、序、彖、击象（说卦文言）、卦，读易韦编三绝。曰，假我数年若是我于易则彬彬矣（以上史记孔子世家）

商瞿年三十八无子，吾（此吾指商瞿，以下效此。）母为吾更取室。夫子使吾之齐，母欲请留吾。夫子曰，无忧也。瞿过四十，当有五丈夫，今果然（编年）。

孔子绝粮七日，外无所通，藜羹不充，从者皆病。孔子愈慷慨，讲诵弦歌不衰。子路作色曰，昔者闻诸夫子，为善者天报之以福，为不善者天报之以祸，今夫子积德怀义，行之久矣，奚居之穷也。子曰，由未之识也，吾语汝，夫遇不遇者，时也。贤不肖者，才也。君子博学深谋而不遇时者，众矣。何独某哉。且芝兰生于深林，不以无人而不芳。君子修道立德，不为穷困而败节。为之者人也，生死者命也（家语在厄解）。

古者包牺氏之王天下也，仰则观象于天，俯则观法于地。观鸟兽之文，与地之宜。近取诸身，远取诸物，于是始作八卦，以通神明之德，以类万物之情。

昔者圣人之作易也，将以顺性命之理，是以立天之道。曰阴与阳，立地之道。曰柔与刚，立人之道。曰仁与义，兼三才而两之。故易六画而成卦，分阴分阳。迭用柔刚。故易六位而成章。

易有圣人之道四焉，以言者尚其辞；以动者尚其变；以制器者尚其象；以卜筮者尚其占。

天一地二，天三地四，天五地六，天七地八，天九地十（此言天地之数，阳奇阴偶，即河图也，一三五七九皆奇，故属天，二四六八十皆偶，故属地）。

天数五，地数五，五位相得，而各有合。天数二十有五，地数三十，凡天地之数，五十有五，此所以成变化而行鬼神也（一三五七九天数，奇也，二四六八十，地数，偶也。一与二、三与四，各以奇偶为类，而自相，一与六、三与八、皆两相合。二十五者，五奇之积。三十者，五之积；变化，谓一变生水六化成之，二化生火，七变成之，三变生木，八化成之，四化生金，九化成之，五变生土，十化成之；鬼神，谓凡奇偶生成之屈伸往来者）。

天尊地卑，乾坤定矣。卑高以陈，贵贱位矣，动静有常，刚柔断矣，方以类聚，物以群分。吉凶生矣，在天成象，在地成形，变化见矣。

易与天地准，故能弥纶天地之道。

与天地相似故不违，知周乎万物，而道济天下故不过。旁行而不流，乐天知命故不忧，安土敦乎仁故能爱。

子曰，易其至矣乎，夫易圣人所以崇德而广业也，知

崇礼卑。崇效天，卑法地（穷理，则智崇如天而德崇，循理，则礼卑如地而业广）。

子曰，危者，安其位者也。亡者，保其存者也。乱者，有其治者也。是故君子安而不忘危，存而不忘亡，治而不忘乱，是以身安而国家可保也。易曰，其亡其亡。系于苞桑。

子曰，德薄而位尊，知小而谋大，力小而任重，鲜不及矣。易曰，鼎折足。覆公餗（音速）。其形渥。凶，言不胜其任也。

子曰，知几其神乎。君子上交不谄。下交不渎。其知几乎。几者动为微，吉之先见者也。君子见几而作，不俟终日。易曰，介于石，不终日。贞吉，介如石焉，宁用终日，断可识矣。君子知微知彰，知柔知刚，万夫之望（石者至静无俗，至重不动者，君子介然如石，天下之所欲，何物能动之，其见几宁用终日，而后识之）。

子曰，作易者，其知盗乎？易曰：负且乘，致寇至，负也者，小人之事也，乘也者，君子之器也。小人而乘君子之器，盗思夺之矣。上慢下暴，盗思伐之矣。慢藏诲盗，冶容诲淫。易曰，负且乘，致寇至，盗之招也。

劳谦君子有终吉。子曰，劳而不伐，有功而不德，厚之至也。语以其功下人者也。德言盛，礼言恭，谦也者，致恭以存其位者也（劳谦，正言有劳有功而不伐，不德，一言德欲其盛，礼欲其恭，劳谦非为位计，然能致恭，则人道所好，位自存矣）。

亢龙有悔，子曰，贵而无位，高而无民，贤人在下位而无辅，是以动而有悔也（处时之穷者，贵乎通变，而不可亢以取悔）。

鸣鹤在阴，其子和之，我有好爵，吾与尔靡之。子曰，君子居其室，出其言善，则千里之外应之，况其迹者乎，居其室，出其言而不善，则千里之外违之，况其迹者乎，言出乎身，加乎民，行发乎迹。见乎远，言行。君子之枢机，枢机之发，荣辱之主也。言行，君子之所以动天地也，可不慎乎。

不出户庭，无咎。子曰，乱之所由生也，则言语以为阶，君不密则失臣，臣不密则失身，凡事不密则害成。是以君子慎密而不出也（乱不虚生，自言语始，慎密其言而不轻出）。

善不积不足以成名，恶不积不足以灭身。小人以小善为无益，而弗为也。以小恶为无伤，而弗去也。故恶积而不可掩，罪大而不解，易曰，何校灭耳，凶，将叛者其辞斩，中心疑者其辞支，吉人之辞寡，躁人之辞多，诬善之人其辞游，失其守者其辞屈。

尺蠖（音蠖，乐韶）之屈。以求信也。龙蛇之蛰，以存身也。精义入神，以致用也。利用安身，以崇德也（此以物理，明学之屈伸，而广其义，尺蠖虫名，不屈则行不能伸，龙蛇不蛰，则来岁之身不能奋，下学之事，精研其义，至于入神，屈之至也，所以为出而致用之本，利其施用，无适不安，伸子极也，然乃所以为入而崇

德之资，内外交相养，互相发也）。

天地之大德曰。生圣人之大宝曰位，何以守位曰仁，何以聚人曰财，理财正辞，禁民为非曰义（以上节系辞上下传）。

孔子著述

孔子生平，唯于周易有赞，诗书则删之，礼乐则定之，春秋则笔削之，笔但笔其旧闻，有削则不尽笔，定亦不添一笔，删则不笔者多矣。盖不贵增而贵减。文王周公之象象多诡奇，而孔之传文极显浅。殷磐周诰之书，词多涩舌，而鲁论之纪载，无敖牙，古文自古。今又自今，要以畅事理，觉后觉而止矣。盖不尚诡而尚平。呜呼！此圣人窃比之深意，非若后世争妍笔楮为也（千百年眼）。

大成殿联

庙中楹联，宋元时绝无传句，大约起于明代，至本朝而始盛，文昌殿关帝庙两处，撰者尤多。几于雅郑混杂。惟文庙则未之闻。良由著笔甚难。故无人不知藏拙。忆在京师，曾游国学，得恭阅圣制大成殿联云，气备四时，与天地日月鬼神合其德，教垂万世，缠蓍舜禹汤文武作之师，惟圣人能言圣人，后有作者弗可及矣（楹联丛话）。

汉世祖光武皇帝

后汉、姓刘氏、名秀、字文叔、南阳蔡阳人(蔡阳,故城,在今湖北省枣阳县西南)。高祖九世孙。年九岁而孤,养于叔父良。身長七尺二寸,美须眉、大口、隆准、日角(日角,谓中庭骨起,状如日)、性勤于稼穡。而兄伯升,好侠养士。常非笑光武事田业。比之高祖兄仲,王莽天凤元年甲戌(年二十)。乃之长安,受尚书。略通大义,莽末,天下连岁灾蝗,寇盗蜂起,地皇三年壬午,南阳荒饥(南阳,即今河南省南阳县治),诸家宾客,多为小盗,光武避吏新野(故城在今河南省新野县南),因卖谷于宛(宛县故城,即今河南省南阳县治),宛人李通等。以图讖(讖读如村,沁韵,兆也,图讖等,皆言将来得失之兆也)。说光武云,刘氏复起,李氏为辅,光武初不敢当。然独念兄伯升,素结轻客,必举大事,且王莽败亡已兆,天下方乱,遂与定谋,于是乃市兵弩。十月与李通从弟轺等,起于宛。时年二十八。十一月有星孛于张(字星,光芒,短蓬然,张,南方宿也)。光武遂将宾客还春陵(乡名,在枣阳县东)。时伯升已会众起兵。初,诸家子弟恐惧,皆亡逃自匿。曰,伯升杀我,及见光武绛衣大冠,皆惊曰,谨厚者亦复为之,乃稍自安,伯升于是招新市平林兵,与其帅王凤。陈收,西击长聚(小于乡曰聚)。光武初骑牛,杀新野尉,乃得马。进屠唐子乡(在湖阳县西南),又杀湖阳尉(县名,今河南沁源县南八十里,有

湖阳店，即故县也）。军中分财物不均，众恚恨，欲反攻诸刘。光武宗人所得物，悉以与之，众乃悦，进拔棘阳（县名，故城在今河南省新野县东北）。更始元年癸未（年二十九）。光武别与诸将大破莽兵，进围宛城（在今湖北省荆门县南六十里）。三月辛巳，立刘圣公为天子，改元更始，以伯升为大司徒，光武为太常偏将军。二月光武徇昆阳（县名，在今治河南省，叶县治）。定陵鄧（今为河南省鄧城县，京汉铁路中经之，鄧音堰，愿韵）。多得牛马财物谷数十万斛。转以馈宛，会伯升为更始所害，光武引过而已。言笑如常，更始于是惭，拜光武为破虏大将军。封武信侯，九月庚戌，三辅豪杰，共诛王莽，传首诣宛（诣，倪去声，霁韵，至也，往候也）。更始二年甲申（年三十），立光武为萧王，自是始贰于更始。建武元年乙酉（年三十一），马武等劝进，六月己未，光武遂即帝位于谯南（谯音敲，谯山名，在今河南省荣泽县境），定都洛阳，封更始为淮阳王。十二月丙戌，更始为赤眉所杀，于是平铜马诸贼，降赤眉，讨公也述隗嚣等（隗危上声，贿韵，又音危灰韵，嚣音枵，萧韵）。天下大定，又留心文学，重高节之士，内治亦盛，建武三十三年丁巳，二月初五日，崩于南宫前殿。年六十三。谥光武，庙号世祖，改元二，建武，建武中元（后汉书云，年六十二，注云是岁丁巳，以乙卯至丁巳按之，实为六十三也。）

汉哀帝建平元年十二月初六日夜（作寅）时生（生卒见后汉书本纪）

后汉建武中元二年二月初五日□时卒

乙卯	命	三岁	戊子
		十三	丁亥
己丑	宫	二三	丙戌
		三三	乙酉
甲子	戊	四三	甲申
		五三	癸未
丙寅	寅	六三	壬午
		七三	辛巳

后汉书本纪云，皇考南顿君，初为济阳令，以建平元年十二月甲子夜，生光武于县舍，有赤光照室中，钦异焉，使卜者王长占之。长辟左右曰，此兆吉不可言，是岁县界有嘉禾生，一茎九穗，因名光武。曰秀，谨按帝造，若泥于夜字，即作子时论，其八字当为乙卯，己丑、甲子、甲子、日干之甲，与月干之己，同化为土，月支之丑，与日支之子。又联合为土。能会谓为干合又得支合。互见两句者，名曰夫妇聚会。格局奇异，固胜寻常。再益以生年乙卯，岁干坐禄。生时甲子，时带将星，气象巍峨。显而易见，然珊犹窃疑之，盖光武帝诞生之候，适在大寒节前，其时昼短夜长，所谓夜者，未尚不是三四点钟之寅时也。若就丙寅时推测，较甲子时尤有过之，何则，生时丙寅，则命宫为戊寅，时干丙。固为正五行之火。时支寅藏丙。又为正五行之火。命宫戊寅。干固化火，支亦藏火，证以赤光照室。不为无

因，若是甲子时，非惟四柱缺火，即命宫庚辰，亦复无火，当此诞生之际，天寒气降，地冻水冰，果其无火以暄之，恐膏壤将变为石田，岂能万物资生，兆民有赖耶（此名真化土格，又名夫妇聚会格）。观其九岁子运，岁值癸亥，会生月之丑，为北方一气，南顿君竟早逝，具见土畏水洚也，观其二十八岁丙运，岁值壬午，冬月，得宛人李通等协议。起兵春陵，帝仅骑牛指挥，竟能杀新野尉而得马。继又进拔棘阳。二十九岁。岁值癸未，大破莽军，进围宛城，下昆阳，定陵鄢，立刘圣公为天子。改元更始，称为破虏大将军，封武信侯，至九月，三辅豪杰。共诛王莽，居然传首诣宛，三十岁戌运，岁值甲申，立为萧王。三十一岁戌运，岁值乙酉，马武等劝进，六月己未，乃即大位。十二月，更始又为赤眉所杀，凡此种种，何莫非丙为阳火。戊寅合火，具有鼓汤寒土之功，有以致之耶。否则，自壬午冬月，至乙酉六月，为时不满三年，岂能使王莽自溃。跨州据土，而带甲百万者哉。至于四十七岁甲运，废皇后郭氏，为中山太后，立贵人阴氏为皇后，四十九岁申运，以皇太子强，为东海王，立阳为皇太子（改名壮），世多疵议。此皆辛丑年，小限庚寅之弊，不仅甲运妒合，申运冲寅也，五十八岁癸运，沛太后郭氏薨，六十三岁未运，帝崩于南宫。一为太岁壬子，一为太岁丁巳，皆与甲己化土之正格，极端反对者也。程子曰，命之理微，盖谓其理精微，不可思议。然以帝命证之，似征实

彰，岂人力也哉。

附录

封更始为淮阳王诏(建武元年九月辛未)

更始破败，弃城逃走，妻子裸袒，流冗道路，朕甚闵之。今封更始为淮阳王，吏人敢有贼害者，罪同大逆(后汉光武纪)。

差录功臣诏(二年正月庚辰)

人情得足，苦于放纵。快须臾之欲，忘慎罚之义。惟诸将业远功大，诚欲传于无穷。宜如临深渊，如履薄冰。战战栗栗，日慎一日，其显效未酬。名籍未立者，大鸿朕趣上，朕将差而录之(后汉光武纪)。

赦诏(二年三月乙酉)

惟酷吏残贼，用刑深刻，狱多冤人，朕甚悯之。孔子不云乎，刑罚不中，则民无所措手足，其诸中二千石诸大夫，议省刑罚(袁宏后汉纪四)。

禁拘执诏(二年五月癸未)

民有嫁妻卖子，欲归父母者，悉听之。敢拘执，论如律(后汉光武纪)。

复宗室列侯子孙诏(二年十二月戊午)

惟列侯为王莽所废，先祖魂神，无所依归。朕甚悯之，列侯身废者，国如故，身死。若子孙见在，令继其先焉(袁宏

后汉纪四)。

遣周党诏(五年)

自古尧有许由巢父，击有伯夷叔齐。自朕高祖，有南山四皓。自古圣王，皆有异士，非独今也。太原周党，不食朕禄，亦各有志焉(袁宏后汉纪五)

给禀诏(六年正月辛酉)

往岁水旱蝗虫为灾，谷价胜跃，人用困乏。朕惟百姓无以自贍，惻然感之，其命郡国有谷者给廩，高年鰥寡孤独及笃癯无家属，贫不能自存者，如律。二千石勉加循抚，无令失职(后汉光武纪)。

薄葬诏(七年正月)

世以厚葬为德，薄终为鄙，至于富者奢僭，贫者殫财，法令不能禁，礼义不能止，仓卒乃知其咎，其布告天下，令知忠臣孝子。慈兄悌弟，薄葬送终之义(后汉光武纪)。

禁拘制奴婢下妻诏(七年五月)

吏人遭饥乱，及为青徐贼所略。为奴婢下妻，欲去留者，悉听之。敢拘制不还，以卖人法从事(后汉光武纪)。

营寿陵诏(二十六年四月)

无为山陵陂池，裁令流水而已。迭兴之后，亦无丘塋，使合古法。今日月已逝，当豫自作，臣子奉承，不得有加(官辑本，东观汉记，四月始营陵地于□平亭南诏)。